

Тошкент шаҳар ҳудудий бўлимида сайёр йиғилиш ўтказилди

Жорий йилнинг 1 март куни Ўзбекистон автомобиль ва дарё транспорти агентлиги Тошкент шаҳар ҳудудий бўлими томонидан Ўзбекистон Республикаси Президентининг қарорлари ижросини таъминлаш ва “Халқ билан мулоқот ва инсон манфаатлари йили” Давлат дастури чора-тадбирларидан келиб чиқадиган вазифалар юзасидан Тошкент шахрида юк ташиш фаолияти билан шуғулланувчи автомобиль эгалари ва ҳайдовчилари иштирокида Тошкент шахри, Учтепа тумани ва Изза мавзесида сайёр йиғилиш ўтказилди.

Йиғилишни Ўзбекистон автомобиль ва дарё транспорти агентлиги Тошкент шаҳар ҳудудий бўлими сектор мудири К.Сайфутдинов очиб берди.

Кун тартибидаги биринчи масала юзасидан АТРНТТ РМ Тошкент шаҳар филиали директори В.Бозоров 2017 йил Ўзбекистонда «Халқ билан мулоқот ва инсон манфаатлари йили»да Республикамиз аҳолисини турмуш тарзини яхшилаш, халқ билан бевосита мулоқотда бўлиш, автотранспорт воситаларида хизмат кўрсатиш сифатини яхшилаш, ҳайдовчилар билан йўриқномаларни доимий равишда ўтказиб бориш ва хизмат кўрсатишни янада такомиллаштириш ҳакида, шунингдек, 2017 йил 5 февраль куни Ўзбекистон Республикаси Президентининг 2017 йил 1 февралдаги “Тадбиркорлик субъектларига давлат хизматларини кўрсатиш механизmlарини такомиллаштиришга доир қўшимча чора-тадбирлар тўғрисида”ги ПҚ-2750-сонли қарори ҳамда 2017 йил 2 февралдаги “Иш ҳаки, пенсия, нафака ва стипендияларни тўғрисида”ги ПҚ-2753-сонли қароридан келиб чиқадиган вазифалар юзасидан ўтказилган идоралараро йиғилиш қарори тегишли бандларини, аҳолига кўрсатилаётган хизматларни қонуний лицензия олиб ишлаш, мижозларнинг юкларини тегишли ҳужжатларини сўраш, ноқонуний юкларни ташишдан бош тортиш, нақд пул тушумлари билан қонун ҳужжатларида кўрсатилган тартибда ишлаш (кунлик тушумни корхонага топшириб, инкасация қилиш), хизмат кўрсатиш сифати ошириш юзасидан автомобиллар эгалари ва ҳайдовчиларига маъруза қилди.

Кун тартибидаги иккинчи масала юзасидан, Тошкент шаҳар ИИББ Йўл ҳаракати хавфсизлиги бошқармаси ходими Шавкат Хўжамбердиевич Ўзбекистон Республикаси Вазирлар Маҳкамасининг 2015 йил 24 декабрдаги №370-сонли “Йўл ҳаракати хавфсизлиги қоидлари”га тегишли ўзгартириш ва қўшимчалар қўшиш тўғрисидаги қарори ижросини таъминлаш юзасидан ҳамда юртимизга баҳор фасли кириб келганлиги муносабати билан автотранспорт воситаларини соз ва озода сақлаган ҳолда йўл ҳаракати хавфсизлигига риоя қилиб фаолият кўрсатиш юзасидан тегишли маълумотлар берди.

Шунингдек учрашув давомида Тошкент шаҳар ҳудудий бўлими АТРНТТ Республика маркази бош мутахассис Р.Орифжонов юк автомобиллари эгалари ва ҳайдовчиларига ўз автомобилларни фақат тўхтаб туриш мумкин бўлган автотурагохларда сақлашлари ва автомобилларга ортилган юкларни сотиш учун ажратилган алоҳида жойларга қўйиб қурилиш молларини сотишлари юзасидан тегишли маълумот ва таклифларини берди.

Агентлик Тошкент шаҳар ҳудудий бўлими сектор мудири К.Сайфутдинов учрашув иштирокчиларига, ташувчиларга юк ташиш фаолияти юзасидан таклиф ва мурожаатлари бўлса Агентлик Тошкент шаҳар бўлими ҳудудий бўлимига телефон қилишлари мумкинлигини эслатиб, бўлимнинг 241-56-41 ишонч телефон рақамига мурожаат қилишлари мумкинлигини билдириди.

Юқоридаги масалалар юзасидан юк автомобиллари эгалари ва ҳайдовчиларини таклифлари тингланди ҳамда учрашув қатнашчилари томонидан берилган барча саволларга жавоблар берилди.

Ўзбекистон автомобиль ва дарё транспорти агентлиги Ахборот хизмати